

國語二冊

國語國策

國語卷第五

魯語下

韋氏解

叔孫穆子聘於晉

穆子魯卿叔孫得臣之子豹也

晉悼公饗之

以饗禮見也

樂及鹿鳴之三而後拜樂三

及至也悼公先為穆子作肆夏文王各三篇而不拜至鹿鳴之三篇乃後拜樂三也

晉侯使行人問焉

行人官名掌賓客之禮傳曰韓獻子使行人子貞問焉

曰子以君命鎮

撫弊邑

鎮重也撫安也

不腆先君之禮以辱從者

腆厚也稱從者謙也

不腆之樂以節之

以樂節之也

吾子舍

其大而加禮於其細敢問何禮也

大謂肆夏文王也細謂鹿鳴也

對曰寡君使豹來繼先君之好君以

諸侯之故貺使臣以大禮也

貺賜也

夫先樂金奏肆夏樊遏渠天子所以饗元侯也

奏樂也肆夏一名樊韶夏一名遏納夏一名渠此三夏曲也禮有九夏周禮鍾師掌以鍾鼓奏九夏元侯收伯也鄭司農云九夏皆篇名頌之類也載在樂章樂朋亦從而亡是以頌不能具也

夫歌文王大明

絲則兩君相見之樂也

文王大明絲大雅之首文王之三也三篇皆美文王武王有聖德天所輔祚其徵應符驗著見於天乃天命非人力也周公欲昭先王之德於天下故兩君相見得以為樂也

皆昭令德以合好也皆非使臣之所敢聞也臣以為肄

業及之故不敢拜

樂人自習修其業而及之故不敢拜

今伶簫詠歌及鹿鳴之三

伶人樂官也簫樂器編管為之言樂人以簫作此三篇之聲與歌者相應也詩云簫管備舉

君之所以貺

使臣臣敢不拜貺也

貺賜也

夫鹿鳴君之所以嘉先君之好也敢不拜嘉

嘉善也鹿鳴曰我有嘉賓德音孔昭是為嘉善

先君之好也

四牡君之所以章使臣之勤也敢不拜章

四牡君勞使臣之樂也章著也言臣奉命勞勤於外述叙其情以歌樂之所以著其勤勞也 皇

皇者華君教使臣曰每懷靡及

皇皇者華君遣使臣之樂也皇皇猶煌煌也懷私為每懷靡無也言臣奉使當榮顯於君如華之色煌煌然既受命當思在公無懷其私

於事將無所及也 諏謀度詢必咨於周敢不拜教此六者皆君之所以教臣也訪問於善為咨也信為周言諏謀度詢必常諮之於忠信之人也 臣聞之曰和

為每懷後鄭司農云和當為私 咨才為諏才當為事傳曰咨事為諏 咨事為謀事當為難傳曰咨難為謀 咨義為度咨禮義為度度

亦謀也 次親為詢詢親戚之謀也 忠信為國言當諮之於忠信之人詩云周爰諮謀 君貺使臣以大禮重之以六德敢不

重拜六德謂諏也謀也度也詢也咨也周也

季武子為三軍為作也武子魯曾卿季文子之子季孫夙也周禮天子六軍諸侯大國三軍魯伯禽之封舊有三軍其後削弱二軍而已武子欲尊公室故益中軍以為三軍各征其事在魯襄十二年 叔孫

穆子曰不可天子作師公帥之以征不德師謂六軍之眾也公謂諸侯為王卿士者也周禮將軍皆命卿詩去周公東征周公時為二伯而東征則亦上公為元帥

也 元侯作師卿帥之以承天子元侯大國之君師三軍之眾也大國三卿皆命於天子承天子謂從王師征不義也孔子曰天下有道則禮樂征伐自天子出 諸侯有

卿無軍帥教衛以扶元侯諸侯謂次國之君有卿有命卿也二卿命於天子一卿命於其君無軍無三軍也若元侯有事則令卿帥其所教武衛之士以佐元侯禮所謂次國二軍小國一軍謂以

賦出軍從征賦也贊佐也 自伯子男有大夫無卿無卿無命卿也王制曰小國二卿皆命於其君也 帥賦以從諸侯賦國中出兵車甲士以從大國諸侯也 是

以上能征下下無姦慝征正也慝惡也 今我小侯也言小侯者削弱之日久也 處大國之間大國齊楚也 繕貢賦以

共從者猶懼有討猶懼以不給見諒討也 若為元侯之所之所謂作三軍元侯所為也 以怒大國無乃不可乎弗

從遂作中軍言中者明已 自是齊楚代計於魯代更 襄昭皆如楚襄襄公也昭昭公也如楚朝事楚也事在襄

二十九年 昭七年

諸侯伐秦及涇莫濟及至也涇水名也濟渡也魯襄十一年晉悼公伐鄭秦人伐晉以救鄭十四年晉使六卿帥諸侯之大夫伐秦至涇水無肯先渡者 晉叔向見叔孫

穆子曰諸侯謂秦不恭而討之及涇而止於秦何益何益於伐秦之事也穆子曰豹之業及匏

有苦葉矣不知其他業事也匏有苦葉詩鄘風篇名也其詩曰匏有苦葉濟有深涉深則厲淺則揭言其必濟不知其他也叔向退召舟虞與司

馬舟虞掌舟司馬掌兵曰夫苦匏不材於人共濟而已材若裁也不裁於人不可食良也共濟而已匏匏可以渡水也魯叔孫賦匏有苦

葉必將涉矣詩以言志也具舟除隧不共有法隧道也共具也舟虞具舟司馬除道法刑也是行也魯人以苦人先

濟諸侯從之諸侯諸侯之大夫也以用也能東西之曰以

襄公如楚及漢聞康王卒欲還襄公魯成公之子襄公午也如楚者以宋之盟朝于楚也漢水名康王楚恭王之子康王昭也叔仲昭伯曰君之

來也非為一人也叔仲昭伯魯大夫仲惠伯之孫叔孫仲帶也一人謂康王也為其名與其眾也名謂為大國有盟主之名也眾略地多兵田眾也今王

死其名未改其眾未敗何為還諸大夫皆欲還子服惠伯曰不知所為姑從君

乎惠伯魯大夫仲孫他之子子服椒也姑且也叔仲曰子之來也非欲安身也為國家之利也故不憚勤遠而

聽於楚憚難也非義楚也畏其名與眾也義楚非以楚有義而往也夫義人者固慶其喜而弔其

憂况畏而服焉慶猶賀也喜猶福也聞畏而往聞喪而還苟芊姓實嗣其誰代之任喪芊楚

姓也嗣嗣世也任當也誰當代之當喪為王太子又長矣執政未改執政令尹司馬也改易也子為先君來死而

去之其誰曰不如先君言我為楚先君故來聞死而去之後嗣臣子誰肯自謂我德不如先君者也將為喪舉聞喪而還其誰曰

非侮也舉動也如在國聞楚有喪將為之舉舉動而往况已至漢聞喪而還其誰言魯不輕侮也事其君而任其政其誰由已貳任當也由從也言楚臣方

國

吾

事其君當其政其誰肯從已時而使諸侯有攜貳者也求說其侮而亟於前之人其讎不滋大乎說猶除也滋益也亟疾也言楚君臣求除其輕侮已者將急

疾於前之人此雖不益大乎說侮不懦執政不貳帥大讎以憚小國其誰云待之懦弱也憚難也言楚人欲除其侮慢之恥不懦弱其執政

之臣無二心以楚大讎為魯作難其誰能待之待猶禦也若從君而走患則不如違君以避難走之也且夫君子計成而後

行二三子計乎有禦楚之術而有守國之備則可也還也若未有不如往也乃

遂行反及方城聞季武子龍襲下方城楚北山也下魯邑也公欲還出楚師以伐魯伐季氏也言魯

者季氏專魯國也榮成伯曰不可成伯魯大夫魯聲伯之子也名樂君之於臣其威大矣不能令於國而恃諸侯

諸侯其誰暱之暱親也若得楚師以伐魯魯既不違夙之取下也必用命焉守必

固矣夙武子名也言夙取下時魯人不違而從之是為聽用其命必同心而守故言固矣若楚之克魯克勝也諸姬不獲闕焉而况君乎彼

無亦置其同類以服東夷而大攘諸夏將天下是王而何德於君其子君也亦無

亦也同類同姓也攘却也言楚亦將自置其同姓於魯以取天下不與君也若不克魯君以蠻夷伐之而又求入焉必不獲矣不如

子之子之以下夙之事君也不敢不悛悛改也醉而怒醒而喜庸何傷庸用也言公欲伐魯若人醉而怒今止者醒而

喜用何傷乎君其入也乃歸

襄公在楚季武子取下使季冶逆季冶魯大夫季氏之族子治也逆迎也追而子之爾聖書印亦稱爾聖書印封

書以生呂卜人將畔臣討之既得之矣此爾聖書也公未言榮成子曰恐公怒故子股肱魯

國社稷之事子實制之唯子所利何必下利猶便也下有罪而子征之子之隸也又何

謁焉隸役也謁告也子治歸致祿而不出致歸也歸祿還采邑也傳曰公治致其邑也曰使子欺君謂子能也欺謂瞞書言下

人將畔也能賢能也能而欺其君敢享其祿而立其朝乎車食也

號之會諸侯之大夫尋宋之盟也在魯昭元年楚公子圍二人執戈先焉楚公子圍恭王之庶子靈王熊虔也時為令尹先謂使二人執戈在前導也蔡公孫

歸生與鄭罕虎見叔孫穆子歸生蔡大師子朝之子子家也罕虎鄭大夫子罕之孫子辰之子子皮也穆子魯卿叔孫豹也穆子曰楚公子甚

美不大夫矣美謂服飾盛也抑君也似君也鄭子皮曰有執戈之前吾惑之惑疑也蔡子家曰楚

大國也公子圍其令尹也有執戈之前不亦可乎穆子曰不然天子有虎賁習

武訓也訓教也魯先後美而趨必卒伍舍則守王闕王在國則守宮門所以習武教也諸侯有旅賁禦災害也禦禁也旅賁掌執戈盾夾車而趨車止則持輪所以備非常禁災害也

大夫有貳車備承事也貳副也承奉也事使也士有陪乘告奔走也陪猶重也奔走使令也今大夫而設諸侯

之服有其心矣有篡國心也若無其心而敢設服以見諸侯之大夫乎將不入矣若不見討必為篡不復入

為大夫也夫服心之文也言心所好身必服之如龜焉灼其中必文於外若楚公子不為君必死不合

諸侯矣不復為大夫以會諸侯也公子圍反殺邾敖而代之邾敖楚康王之子康有疾圍繼而殺之葬之于邾諸侯謂之邾敖

號之會諸侯之大夫尋盟未退尋尋宋之盟也季武子伐莒取鄆鄆莒邑也莒人告于會楚人將

以叔孫穆子為戮楚人令尹圍也以魯背盟取鄆故欲戮之晉樂王鮒求貨於穆子樂王鮒晉大夫樂桓子也曰吾為子請

於楚穆子不予梁其蹇謂穆子曰有貨以衛身也出貨而可以免子何愛焉梁其

也衛營也穆子曰非女所知也承君命以會大事大事而國有罪我以貨私免是我

會吾私也苟如是則又可以出貨而成私欲乎苟誠也誠復有如此事者即當復以財雖可以

免吾其若諸侯之事何夫必將或循之曰諸侯之卿有然者故也必將有循微我者

以貨私免者也則我求安身而為諸侯法矣法也君子是以患作患作患所作不作而不衷將

或道之衷中是昭其不衷也余非愛貨惡不衷也欲殺身以成義不且罪非我之由武

也子為戮何害何害於義也楚人乃赦之穆子歸武子勞之日中不出日中早至日中也穆子怨其

其人曰可以出矣其人穆子家臣曾阜也穆子曰吾不難為戮養吾棟也武子政卿也是為國棟言已為

夫棟折而榱崩吾懼壓焉壓窄也言季氏亡則叔孫氏亦必亡也故曰雖死於外而庇宗於內可也庇覆也

今既免大恥而不忍小忿可以為能乎乃出見之

平丘之會晉昭公使叔向辭昭公弗與盟晉昭公晉平公之子昭公夷也魯昭十年季平子伐莒取郟

魯昭公不與之盟也子服惠伯曰晉信蠻夷而棄兄弟蠻夷魯人兄弟魯也其執政貳也執政之臣有二心貳

心必失諸侯豈唯魯然言不獨失魯也夫失其政者必毒於人魯懼及焉必加毒於人也不可

以不恭必使上卿從之從至晉謝也季平子曰然則意如何乎平子季武子之孫悼子之子意如也時為上卿若我往

晉必患我誰為之貳患謂見執若如也貳副也子服惠伯曰椒既言之矣敢逃難乎椒請從椒惠伯名

也晉人執平子子服惠伯見韓宣子宣子晉政卿韓獻子之子起也曰夫盟信之要也要猶結也晉為盟

主是主信也若盟而棄魯侯信抑闕矣闕缺也昔欒氏之亂齊人問晉之禍伐

取朝歌開條也欒氏晉大夫欒盈也獲罪奔楚自楚奔齊魯襄十三年齊社公納盈不克秋代晉取朝歌晉邑也我先君襄公不敢寧處使叔

孫豹發帥敝賦賦兵也踣踣畢行無有處人踣踣蹕蹕也以從軍吏次於雍渝次舍也雍渝晉地也與

邾鄆勝擊齊之左邾鄆勝晉大夫趙旃之子須子勝也食采邾鄆左軍也倚止晏菜焉從後曰倚止獲也晏菜齊大夫也齊師退而後

敢還非以求遠也非以求遠功也以魯之密邇於齊而又小國也密比也邇近也齊朝駕則夕極於魯

國極至也不敢憚其患而與晉共其憂亦曰庶幾有益於魯國乎益謂得晉之力助也今信靈

夷而棄之夫諸侯之勉於君者將安勸矣若棄魯而苟固諸侯羣臣敢憚

戮乎諸侯之事晉者魯為勉矣若以蠻夷之故棄之其無乃得蠻夷而失諸

侯之信乎子計其利者小國共命共敬從也宣子說乃歸平子

季桓子穿井獲如土缶其中有羊焉桓子魯政卿季平子之子斯也或云得土如瓦缶中有土羊也使問之仲尼曰吾穿

井而獲狗何也獲羊而言狗者以孔子博物測之也對曰以丘之所聞羊也丘聞之木石之怪曰夔蜺蛭蚺木石謂山

也或土夔一足越人謂之山夔音驪或作獯富陽有之人而猴身能言或云獨足蝸蛭山精倣人聲而迷惑人也

水之恠曰龍罔象土之恠曰犢羊龍神獸也非常見故曰恠或曰罔

象食人一名休腫唐去
積羊雌確不成者也

季康子問於公父文伯之母康子魯政卿季悼子之孫桓子之子季孫肥也文伯魯大夫曰主亦有以

語肥也大夫稱主妻亦如之語教戒之也對曰吾能老而已何以語子康子曰雖然肥願有聞於主得

一言可行者也對曰吾聞之先姑夫之母曰姑歿曰先曰君子能勞後世有繼能勞能自卑勞宜而不驕也有繼子孫不廢也子夏聞之

曰善哉商聞之曰古之嫁者不及舅姑謂之不幸夫婦學於舅姑者禮也

公父文伯飲南宮蒍叔酒蒍叔魯大夫孟僖子之子懿子之弟南宮說也以露睹父為客睹父魯大夫也客上客也禮飲尊一人以為客也羞敝

焉羞進也睹父怒怒也相延食延進也衆賓相進以食也敝延進也衆賓相進以食也辭曰將使敝此睹父辭長而後食之遂出

也文伯之母聞之怒曰吾聞之先子先子先舅也曰祭養尸饗養上賓言祭祀之禮尊養尸饗宴之禮養上賓也

敝於何有猶何禮有敝也而後夫人怒也遂逐之五日魯夫人辭而復之辭請也

公父文伯之母如季氏如之也康子在其朝自其外也與之言弗應從之及寢門弗應而

入入康子之家也康子辭於朝而入見辭其家臣也曰肥也不得聞命無乃罪乎得無有罪也曰子弗聞

乎天子及諸侯合民事於外朝言與百官考合民事於外朝也合神事於內朝神事祭祀也內朝在路門內也自卿以下合

官職於外朝外朝君之公朝也合家事於內朝家大夫內朝家朝也寢門之內婦人治其業焉上下同之

寢門正室之門也上下天子已下也夫外朝子將業君之官職焉內朝子將庀季氏之政焉庀治也皆非吾

所敢言也

公父文伯退朝朝其母其母方績文伯曰以歎之家而主猶績言家有寵不當績也懼忤季孫

之怨也季孫康子也位尊又為大宗也其以歎為不能事主乎其母歎曰曾其亡乎使僮子備官而未

之聞耶僮僮蒙不達也言已居官而未聞道也居吾語女居坐也昔聖王之處民也擇瘠土而處之為瘠確勞其民

而用之故長王天下瘠土利薄又勞而用之使不淫逸不淫逸則向義故長王天下也夫民勞則思思則善心生民勞於事則思儉約故善心生也

逸則淫淫則忘善忘善則惡心生沃土之民不材淫也沃肥美也不材器能少也瘠土之民莫不嚮

義勞也善心生故向義也是故天子大采朝日與三公九卿祖識地德禮天子以春分朝日示有尊也禮天子以春分朝日示有尊也

知也地德所以廣生昭謂禮王藻天子玄冕以朝日冕服之下則大采非袞職也周禮王者摺大圭執鎮圭藻五采五就以朝日則大采謂此也言天子與公卿因朝日以修陽政而習地德因夕月以理陰教而糾天刑日照晝月照夜各因其照以修其事

日中考政與百官之政事師尹維旅牧相宣序民事宣編也序次也三公云師尹大夫官也掌以美制王維陳也旅眾士也牧州牧也相國相

也皆百官政事之所及也日師尹公也詩云赫赫師尹少采夕月與大史司載糾虔天刑夕月以秋分糾恭也虔敬也刑法也或夕少采黼衣也昭謂朝日以五采則夕

相儷偶也因夕月而恭敬觀天文也司天文謂馮相保章氏與大史天法考行度以知妖祥也日入監皿九御使潔奉禘郊之粢盛監視也九御九嬪之

官主粢盛而後即安即就也諸侯朝修天子之業命業事也書考其國職夕省其典命令也

刑典常也夜儆百工使無愆淫而後即安儆戒也工官也愆慢也卿大夫朝考其職在公之官職也書講

其庶政夕序其業序次也夜庀其家事而後即安庀治也士朝受業受事於朝也書而講貫

吾 卷五 五

夕而習復復覆也夜而計過無憾而後即安憾恨也凡此皆先公後私之義也自庶人以下明而動晦而

休無日以怠晦真也王后親織玄紵說云純冠之垂前後者昭謂統所以懸瑱當耳者也公侯之夫人加之以紘綖既織統復加之紘綖也

冕曰紘紘纓之無綫者也從下而上不結經冕上覆之者也卿之內子為大帶卿之適妻百內命婦成祭服命婦大夫之妻也祭服衣纁裳也列士之妻

加之以朝服列士九士也既成祭服又加之以朝服也朝服天子之士皮弁素積諸侯之士玄端委貌自庶士以下皆衣其夫庶士下士也下至庶人也社而賦事

蒸而獻功社春分祭社也事曲辰桑之屬也冬祭曰蒸蒸而獻五穀布帛之屬也男女效績德則有辟古之制也績功也君子勞心

小人勞力先王之訓也自上以下誰敢淫心舍力今我寡也爾又在下位下位大夫也朝夕

處事猶恐忘先人之業處事處身於作事也況有怠惰其何以避辟上言德則有辟故言何以避辟也吾冀而朝

夕修我曰必無廢先人冀望也而女也修備也爾今日胡不自安欲使我不續而自安也以是承君之官余懼

穆伯之絕嗣也承奉也以是怠墮之心奉君官職無以避辟將見絕也仲尼聞之曰弟子志之志識也季氏之婦不淫矣

公父文伯之母季康子之從祖叔母也祖父昆弟之妻也康子往焉闔門與之言闔門也門之妻也

比皆不踰閭闔限也皆二人也節姜不踰闔而出康子不踰閭而入傳曰婦人送迎不出門見兄弟不踰閭祭悼子康子與焉悼子穆伯之父節姜也先舅也與與祭也昨

不受徹俎不宴禮祭主人獻賓賓酢主人不受節姜不親受也祭畢徹俎不與康子宴飲也宗不具不繹繹又祭也唐尚書云祭之明日也昭謂天子諸侯曰繹以祭明日也大夫曰賓尸

與祭同日此言繹者通言也賈侍中云宗宗臣主祭祀之禮也不具謂宗臣不具在則節姜不與繹也繹不盡飫則退說曰飫宴安私飲也昭謂立曰飲坐曰宴言宗具則與繹繹畢而飲不盡飫禮而退恐有醉飽

文失皆所以遠嫌也仲尼聞之以為別於男女之禮矣

公父文伯之母欲室文伯也室妻鄉食其宗老家臣稱老宗人主禮樂者也楚語曰屈到嗜芰有疾屬其宗老曰祭我必芰也而為賦綠

衣之三章綠衣詩節風也其三章曰我思古人實獲我心以言古之賢人正室家之道我心所善也老請守龜卜室之族守龜卜人師友聞之師友

魯樂師之賢者也曰善哉男女之饗不及宗臣賈侍中云男女之饗謂宴相饗食之禮不及宗臣也昭謂上章所云徹俎不宴是也宗室之謀不過

宗人虞唐去不過宗人不與他姓議親親也昭謂此宗人則正宗臣也亦用同姓若漢宗正用諸劉矣凡時男女之饗不及宗臣至於謀宗室之事則不過宗臣故敬姜欲室文伯而饗其宗老賦詩以成之也謀而不犯

微而昭矣不犯不犯禮也微而昭詩以合意也詩所以合意歌所以詠詩也今詩以合室歌以詠之度於

法矣合成也

公父文伯卒其母戒其妾曰吾聞之好內女死之好外士死之今吾子夭死吾惡其

以好內聞也二三婦之辱共先者祀辱自屈辱共秦先人之祀者也請無瘠色瘠色毀瘠之色也無洵涕無聲涕也為洵涕也

無拍膺拍叩也膺膺也無憂容有降服無加服輕於禮為降重於禮為加從禮而靜是昭吾子也仲尼聞

之曰女知莫若婦男知莫若夫言處女之智不如婦童男之智不如夫也公父氏之婦智也夫公父季氏之別也智也夫者凡婦人之情愛其子欲令妻妾思

慕而已今敬姜乃反割抑欲以明德此丈夫之智故曰智也夫欲明其子之令德

公父文伯之母朝哭穆伯而暮哭文伯哭謂既練之後哀至之哭也此父子之喪不相及練終言之耳禮宣分婦不夜哭遠情欲也仲尼聞之曰

季氏之婦可謂知禮矣愛而無私上下有章上下有章夫朝于暮也

吳伐越隋大會稽會稽山名墮壞也吳王夫差敗越於夫椒越王勾踐棲于會稽吳圍而壞之在魯哀九年獲骨焉節專車骨一節其長專車專檀也吳

子使來好聘

吳子夫差好聘修舊好也

且問之仲尼曰無以吾命賓發幣於大夫及仲尼爵

發所齋幣於魯大夫次及仲尼也爵之飲之酒也

既徹俎而宴

獻酢禮畢徹俎而宴飲也

客執骨而問

因折俎之骨執以問也

曰敢問骨何

為大

凡骨何者為大

仲尼曰丘聞之昔禹致羣神於會稽之山

羣神謂主山川之君為羣神之主故謂之神也

防風氏後至

禹殺而戮之

防風汪芒氏君之名也違命後至故禹殺之陳尸為戮也

其骨節專車此為大矣客曰敢問誰守為神仲

尼曰山川之靈足以紀綱天下者其守為神

山川之守主為山川設者也足以紀綱天下謂名山大川能興雲致雨以利天下也

社稷之守

者為公侯

封國立社稷而令守之是謂公侯也

比皆屬於王者客曰防風何守也仲尼曰汪芒氏之君也

汪芒長狄

之國名也

守封嶠之山者也

封封山嶠嶠山今在吳郡永安縣也

為漆姓

漆汪芒之氏姓也

在虞夏商為汪芒氏於周為長

狄

周世其國北遷為長狄也

今為大人

今孔子時也

客曰人長之極幾何仲尼曰焦僥氏長三尺短之至也

焦僥西南

蠻之別也

長者不過十數之極也

計之三丈則防風氏也

仲尼在陳有隼集于陳侯之庭而死楛矢貫

之石罍其長尺有咫

隼鷃鳥也楛木名罍鏃也以石為之八寸曰咫楛矢貫之墜而死也

陳惠公使人以隼如仲尼之館問

惠公陳哀公之孫悼太子之子吳也館仲尼所舍也

仲尼曰隼之來也遠矣此肅慎氏之矢也

肅慎北夷之國故隼來遠矣傳曰肅慎燕亳吾北土也

昔武王克商道于九夷百蠻

九夷東夷九國也百蠻蠻蠻有百邑也

使各以其方賄來貢

賄各以所居之方所出貨賄為貢也

使無

忘職業於是肅慎氏貢楛矢石罍其長尺有咫先王欲昭其令德之致遠也以示

後人使永監焉

監視也

故銘其楛曰肅慎氏之貢矢

刻曰銘楛箭前羽之閒也

以分大姬配虞胡公而

封諸陳

分于也大姬武王元女胡公舜後虞過父之子胡公滿也諸之也

古者分同姓以珎玉展親也

展重也王謂若夏后氏之璜也

分異姓以遠

方之職貢使無忘服也故分陳以肅慎氏之貢

陳嬀姓也

君若使有司求諸故府其可得也

得也

故府舊府也

使求得之金櫝如之

櫝置也金以金帶其外也如之如孔子之言也

齊閭丘來盟

閭丘齊大夫閭丘明也初齊悼公在魯取季康子之妹及即位而逆之季魴侯通焉女言其情不敢于也齊侯怒伐魯魯與齊平齊使閭丘明來盟在魯哀八年也

子服景

伯戒宰人曰陷而入於恭

景伯魯大夫子服惠伯之孫昭伯之子子服何也宰人吏人也陷猶過失也如有過失寧近於恭也

閔馬父笑景伯問

之

馬父魯大夫也

對曰笑吾子之大也

謂驕滿也

昔正考父校商之名頌十二篇於周大師以邾

為首

正考父宋大夫孔子之先也名頌頌之美者也大師樂官之長掌教詩樂毛詩序去微子至于戴公其間禮樂廢壞有正考父者得商頌十二篇於周之大師以邾為首邾司農去自考父至孔子又亡其七篇故餘五耳

輯之亂

輯成也凡作篇章篇義既成撮其大要為亂辭詩者歌也所謂亂辭者歌也

曰自古在昔先民有作温恭

朝夕執事有恪

恪敬也先王稱之曰自古古曰在昔昔曰先民有作言先聖人行此恭勤之道久矣不敢言創之於己乃去受之於先古也

先聖王之傳恭猶不敢

專稱曰自古古曰在昔昔曰先民

此其不敢專也

今吾子之戒吏人曰陷而入於恭其滿之

甚也

驕為滿恭為謙

周恭王能庇昭穆之闕而為恭

庇覆也恭王周昭王之孫穆王之子昭王南征而不反穆王欲肆其心皆有闕失言恭王能庇覆之故為恭也

恭王能知其過而為恭

恭王楚莊王之子知其過者有疾召大夫曰不穀不德覆楚國之師若殺請為靈若厲子囊曰君實然可不謂恭乎大夫從之

今吾子之教官

僚

唐云同官曰僚昭謂此景伯之屬下僚耳非同官之僚也同僚謂位同者也詩云我雖異事及爾同僚

曰陷而後恭道將何為

失道尚為恭如其得道將何為事也

季康子欲以田賦

田賦以田出賦也賈侍中去田一井也周制十六井賦戎馬一匹牛三頭一井之田而欲出十六井之賦也昭謂此數甚多似非也下雖去收田一井凡數從夫井起故去井耳

使冉有

國

吾

卷五

二

訪諸仲尼

冉有孔子弟子冉求也為季氏宰康子欲加賦使訪之

仲尼不對

以其非制也

私於冉有曰求來女不聞乎先王

制土籍田以力而砥其遠邇

制土制其肥磽以為差也籍田謂稅也以力謂三十者受田百畝二十者五十畝六十還田也砥平也平遠邇所差也周禮近郊十一遠郊二十而三甸稍縣

都皆無過賦里以入

而量其有無

里糧也謂商賈所居之區域也以人計其利入多少而量其財業有無以為差也周禮國宅無征園廛二十而一漆林之征二十而五也

任力以

夫而議其老幼

力謂繇役以夫家為數議其老幼老幼則有復除也

於是乎有鰥寡孤疾

又議其鰥寡孤疾而不役也疾廢疾也

有軍

旅之出則徵之無則已

去徵鰥寡孤疾之賦也已止也無軍旅之出則止不賦也

其歲收田一井

出稷禾秉芻缶米不是

過也

其歲有軍旅之歲也至廣也聘禮曰十六斗曰庾十庾曰秉秉二百四十斗也四秉曰筥十筥曰稷稷六百四十斛也

先王以為足

足供用也

若子季孫欲其法也則有

周公之籍矣

籍田之法周公所制也

若欲犯法則苟而賦又何訪焉

苟且也時康子不聽魯哀十二年春卒用田賦

國語卷第六

齊語

韋氏解

桓公自莒反於齊

桓公齊太公之後僖公之子襄公之弟桓公小白也初襄公立其政無常鮑叔牙曰亂將作矣奉公子小白出奔莒公孫無知殺襄公而立管夷吾孫忽奉公子糾奔魯齊人殺無知逆子糾

于魯莊公不即遣而盟以要之齊大夫歸逆小白于莒莊公伐齊納子糾桓公自莒先入

使鮑叔為宰

鮑叔齊大夫姓之後鮑敬叔之子叔牙也宰太宰也

辭曰臣君之庸

臣也

庸凡庸也

君加惠於臣使不凍餒則是君之賜也若必治國家者則非臣之所能

也若必治國家者則其管夷吾乎

管夷吾齊鄉姬姓之後敬仲也

臣之所不若夷吾者五寬惠

柔民弗若也

寬則得眾惠則足以使民柔安也

治國家不失其柄弗若也

柄謂本也

忠信可結於百姓弗

若也制禮義可法於四方弗若也執枹鼓立於軍門使百姓皆加勇焉弗若

也

軍門立於為軍門若今牙門矣加益也

桓公曰夫管夷吾射寡人中鈞是以濱於死

三君皆云濱近也管仲臣於子糾乾時之戰親射桓公中鈞

鮑叔對曰夫為其君動也

君子糾也

君若宥而反之夫猶是也

宥赦也猶是言為君猶為子糾也

桓公曰若

何

若何得還鮑子對曰請諸魯是時桓公使鮑叔脅魯殺子糾孫忽死之管仲不死

桓公曰施伯魯君之謀臣也

施伯魯大夫惠公之孫施父之

夫知吾將用之必不予我矣若之何鮑子對曰使人請諸魯曰寡君有不令

之臣在君之國欲以戮之於羣臣故請之則予我矣桓公使請諸魯如鮑叔之

言莊公以問施伯施伯對曰此非欲戮之也欲用其政也夫管子天下之才也

才冠天下也

所在之國則必得志於天下令彼在齊則必長為魯國憂矣莊公曰若何施伯

對曰殺而以其屍授之授子齊使也莊公將殺管仲齊使者請曰寡君欲以親為戮

欲得生自戮之以送射己之忿若不生得以戮於羣臣猶未得請也猶未得請也請生之於是莊公使

束縛以予齊使齊使受之而退比至三壘三浴之以香塗身曰壘亦或為薰桓公親逆之于郊

逆迎也郊近郊也而與之坐而問焉還國與坐也曰昔吾先君襄公築臺以為高位居高室以自尊也田狩

畢弋田獵也狩圍守而取禽也畢掩雉免之網也弋繳射也不聽國政卑聖侮士而唯女是崇崇高也九妃六嬪唐尚

書曰九妃三國之女以姪娣從也昭謂正適稱妃言九者尊之如一明其淫侈非禮制也姪娣之屬皆稱妾嬪婦官也陳妾數百陳列也食必梁肉衣必文繡戎

士凍餒戎車待遊車之製戎士待陳妾之餘戎車兵車也遊車遊戲車也製錢也優笑在前賢材

在後優笑倡非也是以國家不自引引申也不月長長益也恐宗廟之不掃除社稷之不血食

敢問為若何為治也管子對曰昔吾先王昭王穆王世法文武遠績以成名周管子之先也

績功也言昭王穆王雖有所闕猶能世法文王武王之典以成其功各也周語曰厲始革典言至厲王乃變更文武之常典合羣叟比校民之有道者合會也叟老也比比方也校考合也謂

考其德行道設象以為民紀設象謂設教象之法於象魏也周禮正月之吉懸法於象魏使萬民觀焉挾日而斂之所以為民紀綱也式權以相應式用也權平

使平均相應也比綴以度比比其象寡分也綴連也連其夫家也度法也樽本肇末樽等也肇正也謂先等其本以正其末勸之以賞賜糾之以刑罰

糾收也班序顛毛以為民紀統班次也序列也顛頂也毛髮也統猶經也言次列頂髮之白黑使長幼有等以為治民之經紀桓公曰為之若何管子